



i rastaurdjî ? Amon nos vijins
 d' oute l' Ane Kivrin, Djak
 Linwe boute dès liards, - pa
 pakèt d' 40 à 350.000 françès
 francs - auzès rèdjionalès
 soces di lingâdjes èt d'
 cultûres ! Parètréve minme k'
 lès fouteûs d' djins î arîne li
 drwèt d' critiker èt d' rîre dès
 à plinès massales dès grands
 mwinrneus.

*

C'n' èst nén paski lès
 aveules ont dès
 bwagnes rwès ki n' sont
 nén capabes di lès voye
 ni nén roter tot drwèt !
 Lès fauréve-t-i adon
 ètou lès rinde moyas ?

*

ANGOUCHE

S' poréve-t-i k' èle mi fêye soner lès
 pârdons po lès todi spotchîyes fwatès
 invîyes, - k' one aujîe mwart ripaye lès
 anêyes d' misères, - k' on djôu on satche li
 flotche èt z-èdwarmu l' onte di totes nos
 ratêyes sayes ?

(O laurîs ! Bèlès pîres ! Boutâdjes, fwace !
 mêt wôt ki totes lès djwès èt glwêres ! - di
 totes lès cougnes, pa tos costés, - diale,
 Diè, - Djonesse di cit-ci, mi !)

K' dès sipiyâdjes d' riglatichante siyince èt
 dès ènondâdjes d' sociâlès confrêrîyes
 fuchinche ribènis come ripayâdje do prumî
 franc djeû ?...

Mîns l' tèteude bièsse ki nos rind bèn djinti
 comande di n' nos amûzer k' avou c' kèle
 vout bèn nos lèyî, obén k' otrumint nos
 fuchins pus k' droles.

Roler aus scwarnaches, pa l' tanant tins èt l'
 grande basse; aus stronnâdes, pa lès
 moyatès aiwes èt stofant air; aus
 misbrîdjâdes ki rîyenut, dins l' mêt fèlmint
 wachoté silince.

(A l' après d' Artur Rimbâd - Lès
 alumaedjes.)

*

Ewou dmère-t-i li riconichaedje dès
 linwistikès minorités ? Pa l' fôte d'a kî èst-

DÈMOCRACÎYE.

“L' drapia va bèn au mannèt vichnauve, èt
 nosse lingâdje stofe li tambour.

“È lès mitans nos fêrans l' amougnî po l'
 pus franke dès disbautchrîyes. Nos
 spotchèrans lès lodjikes rinaklâdjes

“Aus pwèvrès èt ramouyîs payis ! – à
 bouter po lès mêt èwarantès fabriques d'
 rabachaedjes o d' soûdârd.

“A rvoye vèci o pa tos costés. Ramoncèlés
 dèl boune voltance, on va d' awè l' fêle
 filosofîe; nén pwartés dsus l' siyince, plins
 d' rinaudâdjes po l' ayèssâdje; l' bacha po
 tèrtos dsus l' voye. C'èst l' vrêye trote.
 Avance, rote !

(A l' après – ètou - d' Artur Rimbâd - Lès
 alumaedjes.)

*

A pwârter dsus nos cwanes tos lès
 pètchîs d' Israyèl, on fait d' l' ombre
 aus ptits moxhons èt lzeu dner nos
 frûts.



On saye di continuer à tot comachî...